

چیزنگ محاکمہ

نومرو ربیع الاول سنہ ۱۲۹۰ ۶
 مایس رومی ۱۴
 سنہ ۱۲۸۹ ۳۱
 صیفہ

- اشبو غزته ایلروده هفته ده ایکی دفعه چیقارلق اوزره شمدلیک بهر هفته بازار ایرتسی کونلری چیقار ○
- سنه لکی بر عثمانلی یوزلک التوننه و بهر نسخه سی شمدلیک ایکیشر غروشه اوله رق هر یرده صاتیلور ○
- سنه لکنه مشتری اولق استیائلر مکتب صنایع مدیر لکنه مراجعت ایتلیدر ○

قسمه منقسم اولوب برنجیسی بدایت وایکنجیسی
 استیناف و اوچنجیسی تمیز محکمه لرینک امور
 تحریریه و قیدییه سی وظائفله مکفدر
 ○ باب رابع ○
 (دعاوی مجلسلری)

یکرمی دردنچی ماده درسعادتک حاوی اولدینی
 قائم مقاملر مرکز زنده بر دعاوی محکمه سی وارد
 دعاوی محکمه لری ایکیشر اعضا و برر رئیسدن
 عبارتدر بونلرک وظیفه سی قضا دعاوی مجلسلرینک
 مواد جزاییه ده اولان وظیفه لرینک عینیدر
 یکرمی بشنجی ماده اشبو نظامنامه ده بیان وتعداد
 اولنان محاکم دیوان احکام عدلیه نک تحت نظارتند
 بولندیقندن رؤسا و اعضاسنک انتخاب وتعیینی
 نظارت مشار الیه انک تقریری اوزرینه طرفه
 حکومت سنیه دن اجرا اولنور
 یکرمی التنجی ماده درسعادت محاکم نظامیه سی
 حقنده بوندن اول نشر اولنش اولان نظامنامه نک
 اشبو نظامنامه یه مخالف احکامی منفسخدر
 ○ درسعادت محاکم نظامیه سی نظامنامه سنه ○

○ درسعادت حقوق عادیه و جزاییه محاکم ○
 ○ نظامیه سنک تشکیلات ووظائفنه دائر ○
 ○ نظامنامه نک مابعدی ○
 ○ باب ثالث ○
 (تمیز محکمه سی)

یکرمی برنجی ماده محکمه تمیزک وظیفه سی واصل
 ترتیب وتشکیلله مصالحنک صورت جریانی دیوان
 احکام عدلیه نظامنامه سنک برنجی و اوچنجی فضلارنده
 تعیین اولنان احکام وقواعد تابعدر
 یکرمی ایکنجی ماده محکمه تمیزک جنایت دأره سنده
 برباش مدعی عمومی بولنه جقدر
 یکرمی اوچنجی ماده بدایت واستیناف وتمیز
 محکمه لرینک معاملات تحریریه وقیودییه سی دیوان
 احکام عدلیه قلی واوراق اوطه سی نامبله ایکی قلم
 معرفتیه اجرا اولنور و دیوان احکام عدلیه قلی برسر
 خلیفه و اوچ معاون ایله لزومی قدر دفترچی
 ومقابله چی و کتبه دن اوراق اوطه سی دخی برمدیر
 ایله اوچ معاون وزومی مقدار مقیددن عبارتدر
 کرک دیوان احکام قلی و کرک اوراق اوطه سی اوچ

ذیل اوله حق مواد نظامیه نك صورت
مخرجه سیدر

برنجی ماده مرکز و موقع بدایت محکمه زری نهایت
بیک غروشه قدر دعاوی عرضحالرینی حواله
جمعیتی طرفندن حواله اولمیه رق طوغریدن
طوغریه قبول ایتکه مأذوندر بومأذونیت
محاکم مذکوره نك دأره زری داخلنده یعنی عرضحال
ویریلان محکمه مرکز محکمه سی ایسه در سعادت
اداره ملکیه سی نظامنامه سنده بالذات متصرفك
تحت اداره سته ویریلان و موقع محکمه سی ایسه
قائم مقامك اداره سی التده بولنان محللر داخلنده
تكون ایدن دعاوی عرضحالرینه مخصوصدر
بناء علیه بر محکمه کندی دأره سی خارجنده
تكون ایتش بر دعوی عرضحالنی قبول ایتوب مدعی
علیهك اقامت ایلدیکی دأره محکمه سته ویرلسنی
بیان ایدرك رده مجبوردر

ایکینجی ماده ماده سابقه موجبجه حواله سز
قبول اولنان عرضحالرك مقدارینی و طرفینك
اسم و شورتیه ذات دعواك خلاصه سنی مین
حواله جمعیتنه بهرماه برر جدول کوندریله جکی کبی
حواله جمعیتی نظامنامه سی حکمنجه الته حق
قیدیه خرجی و در دنجی ماده ده مبحث اولان
صورت اعلام خرجی و جلب پوصله سی کوندریلوبده
بلاعذر مقبول کلیانلردن نظامنامه مذکور حکمنجه
الته حق جزای تقدیلردخی مفردات دفتریه برابر
دیوان احکام عدلیه و زنه سته ارسال قلنه جقدر
اوچنجی ماده نهایت بیک غروشه قدر اولان دعاوی
حقنه مرکز و موقع محکمه زدن ویریلان حکم
اعلامرینی اجرا ایتدیرمك ایچون اصحابی اجرا جمعیتنه
ویا خود اعلامی ویرن محکمه قنغی قائم مقاملق
ویا خود متصرفلق دأره سنده بولنور ایسه اورانك
قائم مقام ویا خود متصرفنه مراجعتده مختاردر
او مثللو اعلاملر اصحابی یدینه تسلیم اولنور ایکن

اجرا ایچون قنغی طرفه مراجعت ایده جکی محکمه جه
سؤال اولنوب صاحب اعلامك استدعاسنه کوره
ظهور اعلامه اشارت اولنهرق زیری محکمه مهریه
تمهیر ایدیه جک و کیفیت دفتر مخصوصنه قید
اولنه جقدر اعلام ظهورنده اشارت زهیه ایسه
اورادن اجرا قلنوب بشقه موقعدن اجرایی جائز
اولیه جقدر

در دنجی ماده قائم مقام ویا خود متصرفلر کندوزینه
کله جک اشارتلی اعلاملری اجرا جمعیتی نظامنامه سنك
بشنجی ماده سندن اون در دنجی ماده سته دکن
مندرج قواعد و اصوله تطبیقاً اجرا ایده جکلردر
اجرا جمعیتی نظامنامه سنك بشنجی ماده سنده
مبحث اولان تبلیغ ماده سی اجرا قلمماش ایسه
اعلامك صورتی محکمه معرفتیه اخراج ایتدیریلوب
محکوم علیه ویریه جکدر

بشنجی ماده قائم مقام و متصرفلر معرفتیه
بر موجب اعلام تحصیل اولنه حق مبالغ رسمی
التدقندنصره صاحبنه تسلیم و کیفیت ظهر اعلامه
ترقیم ایدیه جکی کبی بردفتر مخصوصه دخی قید
اولنه جقدر و حاصلات واقعه خلاصه سیله برابر
ماه بماه اعلامی ویرن محکمه یه کوندریلوب مقبوض
سندی اخذ اولنه حق و خلاصه زك برر صورتی دخی
احکام عدلیه و زنه سته کوندریله جکدر محکوم به اولان
مبالغ کاملاً تحصیل قلمماش ایسه اعلاملر صاحبلری
یدندن استرداد اولنمق لازم کله جکی جهتله او مثللو
اعلاملر دخی مذکور خلاصه ز ایل برلکده محکمه زه
ارسال قلنه جقدر

التنجی ماده محکمه زه وارد اوله حق رسوم تحصیلیه
اوچنجی ماده حکمنجه طوتیه جق دفتر مخصوصنه
قید و اشارت اولندقدنصره اوراقیه برابر
احکام عدلیه و زنه سته کوندریلوب مقبوض سندی
النه جقدر
یدنجی ماده احکام عدلیه و زنه سی محکمه زدن

وارد اوله حق رسوم تحصیلیه خلاصه زنی بشنجی
ماده موجبجه قائم مقام و متصرفلردن کله جک
خلاصه صورتلریله بعدالتطبیق معامله سنی اجرا
ایده جکدر

دیوان احکام عدلیه دن نشر اولنان
تعلیماتدر

دیوان احکام عدلیه نظارتك شامل اولدینی دوائر
و محاکم مأورزینك و خصوصیه میز و ضبط
کابلیرنك کافه قوانین و نظامات دولت علیه یی
بیلری لزومی اوزرینه اشبو قوانین و نظاماتك
صورت تدریس و تعلیمه دأر سکسان یدی تاریخنده
وضع اولنش اولان اصولك تصحیح و اصلاحیه
اشبو طقسان سنه سی ربیع الاولی ابتداسندن
اعتباراً حکمی مرعی الاجرا اولق اوزره نظارت
احکام عدلیه دن قلنه التان تعلیماتدن ایجاب ایدن
فقره زدر

باب عالیده تخصیص اولنش اولان دأره تدریسیه
اشبو سکسان طبقوز سنه سی مایسنك اون در دنجی
پازار ایرتسی کونندن بدأ ایله ایام رسمیه تعطیلیه دن
ماعداً بعد ازین هر کون صباحلری آچیلوب ایکی
ساعت قدر تمتد اوله جق و هر فصل و موسمه کوره
درس و قتلری معللر طرفندن تعیین قلنه جقدر
درسك برنجی قسمی احکام عدلیه مجله سیله قواعد
فقهدن اقتضا ایدن بحشلر و اراضی قانوننامه سی
و محاکم نظامیه نك و انلره متفرع دوائرك نظاماتیدر که
بونلر هر هفته بازار و صالی و پنجشنبه کونلری
اوقوتدیریه جق و ایکینجی قسم تجارت بریه و بحریه
قانونلری و شمیدیلک اصول محاکم تجارت نظامنامه سی
و دولت علیه نك دول اجنبیه ایل اولان معاهده زیدر که
بونلره جمعه ایرتسی و بازار ایرتسی و چهارشنبه
کونلری تدریس قلنه جقدر

تدریس اولنه جق درسلر موجود اولان نسخه زینه

کوره صره سیله اوقوتدیریه جق ایسه ده ایضاحاته
متعلق مباحثدن برطاقنك و خصوصیه قواعد فقهیه
دأر مسائلك ترکیه ترجمه زری موجود اولدیغندن
معللرك السنه ساره دن ترجمه ایله تقریر ایده جکلری
درسلری طلبه نك تحریراً ضبط و تلقی ایتلری اقتضا
ایدر اشبو جمعیت تدریسیه یالکز محاکم نظامیه
مأورزیننه منحصراً اولیوب هر صنف کتبه
و ساره دن قوانین درسلرینی اوقومغه مقتدر اولوبده
محاکم نظامیه خدمتده قوللانلق و یا خود الحاله
هذه بولدیغنی محاکم نظامیه خدمتده طریقجه
ترقی ایتك استیانتلر و محکمه زده دعوا وکالتی ایتك
ایچون اصول و قوانین و نظاماتی حقیه اوکرنك
ارزوسنده اولنلر دأره مذکوره یه دوام ایله تدرس
ایتکه مأذوندر

دأره نك اشبو اصول جدیده ایله تعلیم و تدریسه
مباشرتی کونندن اعتباراً هر التی آیده بردفعه
احکام عدلیه دوائری اعضاسندن برر ذات حاضر
اولدینی حالده طلبه دن استك ایدنلرك امتحانلری
اجرا اولنهرق بنده آیده محرر شرائطه توفیقاً
اثبات اهلیت و لیاقت ایدن طلبه نك یدینه شهادتنامه
ویریه جک و بوشهادتنامه معللر ایله اعضای
موجوده نك مهریه مختوم اوله رق جانب نظارتدن
دخی تصدیق قلنه جقدر

شهادتنامه یه مستحق اولان طلبه نك شرائط
مقتضیه سندن برنجیسی مدت عمرنده تمت و جنایت
ایچون حبسه کیرماش اولسی ایکینجیسی ولو مختصر
اولسون بر ماده مخصوصه یی قلنه الیه جق درجه ده
کتابته مقتدر بولنسی اوچنجیسی بر درجه یه قدر
حساب بیلسی در دنجیسی تعلیم و تدریسی مشروط
اولان درسلرك کرك مواد مخصوصه سی و کرك
قواعد کلیه سی اوزرینه حین امتحانده ایراد اولنه جق
اسئله یه ویره جکی جوابلرك لا اقل نصفندن زیاده سنك
مقبول و معتبر طوتلسی خصوصلریدر احوال

شخصیه و مکاتبه سی بوشرائطه موافق اولیانر
امتحانه شهادتنامه الهیه جقدر
بعد ازین محاکم نظامیه ده کرک میرک و ضبط
کتابی مأموریتارینه و کرک بولنه متعلق دوا
واقلام کتبه سی صنفه شهادتنامه سی اولدقچه
هیچ کسه النیه جقدر شهادتنامه سی اولنر خارجدن
اولوبده مجددأ محاکم نظامیه خدمته کیرمک
ایستدکری حالده احکام عدلیه قلنک ملازم
صنفه داخل اولوب صنف ثالثدن محل اچلدقچه
شهادتنامه سی اولنر سائر موجودیه ترجیحاً صنفه
کچه جک و الحاله هذه قلمچه صنفدره موجود
اولان کتبه نك اچنده شهادتنامه سی اولنرک
معاشری حد مشروطنه ابلاغ ایدیه جقدر
و بر صنفدن دیگر صنفه و برنجی صنفدن ضبط
کتابنه و اندن میرکله انتخاب اولنق ایچون
شهادتنامه سی اولنر ترجیح قلنه جقدر و بواصول
ایلروده طشره محاکمک دخی تعمیم
اولنه جقدر

❖ فی ۵ صفر سنه ۱۲۰ تاریخیه جنحه دیوانندن
❖ تنظیم ادران مضبوطه نك صورتیدر ❖

شورای دولت و اولنرندن عزتلو محمد افندی ایله
یونان دولتی تبعه سندن فوجیحی اوغلی سوتیری
بیننده بالی اخذ واعطاسدن طولای تحدث ایدن
دعوانك محکمه تجارتده حین رؤیتده مرقوم سوتیرینک
یلان یره یمین ایتدیکی ادعا قلمسی اوزرینه تحقیقات
لازمیه لدی الابتدار مرقومک یلان یره یمین ایتدیکی
اخبارات و امارات واقعه ایله ثابت و متحقق اولسنه
منی ایکوز اون ایکنجی ماده قانونیه موجبنه
بعد التشریر برسنه مدته حبسنه اکثریت آرا ایله قرار
ویریلرک فی ۴ رجب ۸۹ تاریخنده توقیف قلمش
اولوب شوقدرکه ماده مذکوره حبس جزاسنی
استلزام ایدن بر فعل ایچون موضوع و مجازات

ترهیبیه دن معدود اولان تشهر جزاسنی دخی جامع
بولندیغندن محاکمات جزایه دأره سنک تصدیق
منضم اولدقچه قابل اجرا اوله میه جغی جهتله
کیفیتک دأره مذکوره حواله سی افاده سنی متضمن
درسمات مرکز بدایت محکمه سی جزا دأره سنک
فی ۱۲ شعبان سنه ۱۲۸۹ تاریخلی وایکوز یکرمی بش
نمرولی مضبوطه سی و مرقوم سوتیری بانذکره کفالت
التنه الديرلغه برابر جلب اولنان اوراق استنطاقیه
یونان سفارتندن ویریلان تقریر ایله محاکمات
جزایه دأره سنده لدی المطالعه مرقوم سوتیرینک
حکم مذکوره عدم قناعتله استیناف دعواسنده
بولندیغنی تقاریر مذکوره مفاهمندن مستفاد اولدیغنی
کبی ماده مذکوره ده معین اولان حبس جزاسنی
اوچاهدن زیاده اولق حسیله حکم مذکور قابل
استیناف اوله رق حکم قطعی درجه سنده اولدیغنی
جهتله قبل الاستیناف تمیزه صالح اوله میدیغنی کبی
ذکر اولنان جزا دأره سندن تنظیم اولنان فذلکله نك
زیرنده مرقم قرارک بر فقره سنده مومی ایله محمد
افندی نك بوبیده اقامه ایلدیکی مخبرز مع الحلف ادای
شهادت ایتدکدن صکره سوتیرینک لهنده سونلک
استیانلرک استجوابی قاعده محاکمک خارچنده
اولدیغنی مندرج اولدیغنه و امر مجازات حقوق
عمومیه دن معدود اولسی جهتله انک محافظه
ووقایه سی حکومت عائد وظائفدن و بناء علیه بر جزای
استلزام ایدن فعلدن طولای هرایی طرفک اقامه
واشهاد ایده جکری مخبرزک وقضیه جزوی وکلی
معلوماتلری اولدیغنی محکمه جهه استخبار اولنانلرک
جاییله معلوماتلرینه مراجعت اولنهرق موجب
جزا اولان فعلک و قودنی و یا عدم وقوعنی حقیله
مرکز ثبوته ایصال ائلک اهم اوردن بولندیغنه منی
ذکر اولنان جزا دأره سنک بوبیده اولان ذهابی
موافق مصلحت کوریه مامش اولدیغندن اوراق
مذکوره نك طاقیه ارسالله شوحاله وایجاب مصلحته

سوتیری الدیغنی بالغک اثماننی هنوز ویرمیدیکی
برقاج کیمسه اقرار ایتشیکن نهایت محکمه تجارتده
لدی الترافع انکار ایله برابر یلان یره یمین ایتدیکی
اخبارات و امارات واقعه ایله ثابت و متحقق اولش
ایدوکنه بناء مرقوم سوتیرینک بوسورتله یلان یره
یمین ایتسندن طولای ایکوز اون ایکنجی ماده
قانونیه موجبنه بعد التشریر برسنه حبسی خصوصنه
اکثریت ایله قرار ویریلرک ترجان موسیو اندیا
حاضر اولدیغنی حالده حکم مذکورک تبلیغ قلمش
ایدوکی بیاندن عبارت بولندی

ترجان مومی ایله حاضر اولدیغنی حالده مستأنف
مرقوم سوتیریدن حکم مذکور حقنده اولان
اعتراضاتی لدی الاستفسار مومی ایله محمد افندی
مبايعه ایلدیکی یکرمی ایکی بیک اسقمری بالغک بهر
بیک عددینی التمش بشر غروشدن بالحساب ایجاب
ایدن اثماننی کندوزینک قهوه سنده عساکر ضبطیه
اونباشیلرندن درویش محمد وبقال یورکی و مسکرات
مغازه جیسی دیگر یورکی و توتونچی بانده لی و تکیجی
انانوسه حاضر اولدیغنی حالده متوفی یوز باشی
عمرای و متوفای مومی ایله دخی ینه اوراده
افندی مومی الیه تسلیم و تأدییه ایلدیکی اشخاص
مرقه ایله اثبات ایده جکنی بالیان فقط بو کیفیتک
وقوعی سکر سنه یی تجاوز ایلدیکندن تسلیم ایلدیکی
اچهنک جنس و مقدارینی و تاریخ تسلیمی درخاطر
ایده میه جکنی درمیان ایله بو خصوصدن طولای
محکمه تجارتده اجرای محاکمه نری ائنده افندی
مومی ایله طرفندن وقوعبولان تکلیف اوزرینه
امر تحلیفی اجرا قلندیغنه و بر دعواده طرفیندن
بری دیگرینه یمین تکلیف ایدوب اجرا اولدیغنی
صورتده اول دعوانک قطعاً فیصلیدر اولسنه
بر شرط دیمک اولدیغنی شورای دولت جانب
سامیسنندن ضبطیه مشیریت جلیله سنه ارسال
بیوریلان قرارنامه صورتده مندرج و مصرح

کوریه کیفیتک استینافاً بازویه حکمی حاوی
مضبوطه سنی اوراق استنطاقیه و متفرعه سیله برابر
دأره یه ارسال ائلک اوزره خصوص مذکورک دیوان
جنحه یه حواله سی اقتضا ایدجکنه دأره
مذکوره دن فی ۱۶ ذی القعدة سنه ۱۲۸۹ تاریخنده
تنظیم اولنان مذکره بو خصوصه متفرع کافه اوراق ایله
برابر فی ۱۸ ذی القعدة سنه ۱۲۸۹ تاریخنده حواله جمعیتی
جانبندن حواله وارسال بیورلقدنشاشی جمله سی
بروجه تدقیق قرائت و مطالعه اولندی

مضبوطه مذکورنک خلاصه مندرجاتی مدعی
علیه سوتیری مبايعه ایتدیکی یکرمی ایکی بیک
اسقمری بالغک بهر بیک عددینی التمش بش غروشه
مدعی محمد افندی نك طالیان رئیس ایله بازار
ایتدیکی ابتدا بالقخانه ده حین محاکمه زنده درمیان
ایلدیکی وارندن بر یحق سنه مرور ایدنجیه قدر
رئیس مرقوم ایله بازار ایتدیکی فیاتندن اثماننی
محمد افندی قبول ایتدیکی جهتله ویرمیوب زنده
ایدوکی کندو یانلرنده اقرار و اعتراف ایتش اولدیغنی
بیوکرده مرکزنده مستخدم یوز باشی حسین اغا
و عساکر ضبطیه طاوور کتابندن متقاعد خلیل
افندی و بالقخانه مأمورلرندن رفت اغا طرفلرندن
افاده و اخبار اولنوب بالقخانه اعلامی دخی بوسورتی
مؤید بولنش اولدیغنی حالده تجارتخانه جهه جریان
ایدن محاکمه زنده محمد افندی ایله بالذات بازار
ایدوب وارندن اون اون ایکی کون مرورنده
تماماً اچهنه سی تسلیم ایلدیکی تذکار ایله تحلیفی اجرا
قلمش ایسه ده نتیجه تدقیقاتده مرقومک مدعی
مومی الیه دن مبايعه ایلدیکی اسقمری بالخی ایچون
بالقخانه فیاتی اوزرینه یعنی بیک عددینی یوز الی
التیشر غروشه مقاوله و مؤخرأ التمش غروشدن
تسویه سنی در پیش ایدرک منازعه ایتسی جهتله
افندی مومی ایله دخی ادعا یه قیام ایله محکمه تجارتده
محاکمه نری در دست اجرا بولندیغنی صره ده مرقوم

بولنديغه مېني كندوسنك بوصورتله وقوعبولان
تحليفندن طولاي حقهده مجازات قانونيه اجراسي
غدرى موجب اوله جغندن حكم مذكوري بروجهله
قبول ايده مېه جگني افاده ايله اعتراضاتي دخي بوندن
عبارت اولديغني سويلدي
مستأنف مرقوم طرفندن اچهك نك حين تاديه سنده
حاضر بولنديقاري بيان اولنان اشخاص مرقومه
دخي جلب ايله بعد التحليف استجواب اولندوده
ايجلرندن اونباشي محمد ايله توتونجي باندولي اچهك نك
محمد افندي به تسليمي كوره مدكلريني سويليوب
بقال يوركي ايله مغازه جي ديكر يوركي واتمكجي
انانوستي دخي مذكورالمقدار بالغك بهريك عددي
التمش بشر غروشدن بالحساب ايجاب ايدن اثماني
التون اوله رق سوتيري طرفندن مذكور قهوه ده
مومي ايله محمد افندي به تسليم اولنديغني كوردكلريني
متحدافاده ايتش ايسه زده نه جنس التون اولديغك
فرقنده اوله مدكلريني سويلدكلري كبي بالغك فروخته
واقچه سنك تسليمه دأر بيان ايلدكلري تاريخلر
دخي يكديكري نك افاده سنه مبان كورندي
بوصورتله اجراي تدقيقات ومحاکاته نتيجه ويرلدكن
صكره مذاكره كيفيته بالابتدار مذكورالمقدار بالغك
اثماني مومي ايله محمد افندي به تسليم ايلديكسه دأر
سوتيري طرفندن بودفعه اقامه اولنان مخبرزدن
ايكيسي اچهك نك محمد افندي به تسليمي كوره مدكلريني
سويليوب ديكراري اكرچه التون اوله رق تسليم
اولنديغني كوردكلريني متحدافا بيان ايتش ايسه زده
اچهك نك جنس ومقدارينني خبر ويره مدكلري كبي
بالغك فروخته واقچه سنك تسليمه دأر بيان
ايلدكلري تاريخلر دخي يكديكري نك افاده سنه مبان
اوله رق بونلك افاده زرينك مركز شهادته قبولي
غير جائز اولوب مومي ايله محمد افندي طرفندن
مستأنف مرقوم سوتيرينك يلان يره مېن ايتديكني
اثبات ضمننده ذكر اولنان جزا دأره سنده اقامه

سوتيرينك يلان يره مېن ايتديكني تين ايتش اولسه
بيله بوماده حقنده تجارت محكمه سي طرفندن
ويريلان اعلامك حكمني نقض ايده ميه جگني دركار
بولنديغه وبرشخصك يلان يره مېن ايتديكنك
تين وثبوت كندو اقرار واعترافه وياخود ايتديكني
عينك خلاف اولديغني اثباته درجه كفاهده
كندوسنك ممضي برسندينك ظهورينه متوقف
كورينوب مضبطه مذكوره ده محرر اولان اخبارات
وامارات ايله مستأنف مرقوم سوتيرينك يلان يره
مېن ايتش اولديغنه حكم اولنه رق حقنده جزا تعيين
وتحديدى غير جائز بولنديغه مېني ذكر اولنان جزا
دأره سندن بوبابده ويريلان حكم وقرارك بالطبع
فسخيله محاكمات جزائيه دأره سي مذكوره سنده بيان
اولنديغني اوزره كيفيت ينه اورايه حواله بيورلوق
اوزره اوراقلك طاقيله تقديمه وذكر اولنان جزا
دأره سنده بامذكره بيان معلومات اولنسنه اتفاق
آرايله قرار ويريله رك صورت قرار بالتبليغ اوراق
مذكوره باپوصله لقا تقديم قلندي

٢٥ رجب سنه ٨٧ تاريخيله تميرحقوق

دأره سندن ويريلان اعلام صورتيدر

قدسلى جيران غرغورك رمله تجارندن ميخائيل
شبيطه ايله اولان دعواسي حقنده ديوان احكام
عديليه تواريج مختلفه ده ويرمش اولديغني درت قطعه
عرضحاليله ايكليسي مصدق ويرى غير مصدق جمعا اوج
قطعه اعلام صورتلري وبرقطعه مصدق مذكوره صورتى
حواله جمعيتندن بعده شرائط نظاميه سي ايفالتمق اوزره
اول امرده مرقوم غرغورك تمير دعواسنه صلاحيتي
اولوب اولديغك تعييني ضمننده حقوق دأره سنده
اعطا قلمش اولديغندن قرائت ومطالعه اولندي
مرقوم غرغورك عرضحاليرنده مندرج استدعاسي
كندوسنك ميخائيل شبيطه ذمتنده اولان فرق درت
بيك كسور غروش الاجغك قدس محكمه تجارتندن

تحكمينامه ايله باقيه رق تحصيلي اعلام اولنوب ميخائيل
شبيطه طرفندن مؤخرأ استيناف دعوى اولنسي
اوزرينه بوايشك قابل استيناف اولديغني دخي محكمه
مذكوره دن اعلام قلمش ايكن ييروت تجارت محكمه سي
خلاف قانون اوله رق بوكا اعتبار ايتديكنه بناء
تجارت نظارت جليله سنه مراجعت ايتسيميله اولبابده
محكمه تجارت ايكنجي مجلسندن دخي قدس محكمه سنك
حكم قطعي ويرمكه صلاحيتي اولديغندن ييروت محكمه
تجارتندن جواب اعطاسي نزومنه متدأر برقطعه مذكره
ويرمش ايسه ده برمحكمه نك خلاف قانون حركتكن
تميزيله حكم قطعي اعطاسي مافوقنده بولنان محكمه نك
وظيفه سي ايدوكندن وييروت محكمه سنك اعلامي
كندوسنه تبليغ قلمديغندن بحثله كينيتك ديوان
احكام عدليه ده تميرأ رؤيتني بيانندن عبارت اوله يور
مذكور ايكي قطعه مصدق اعلام صورتلرينك برى
قدس محكمه تجارتندن الكسره ويريلان ١١ شوال
سنه ٨٤ تاريخلو اعلام صورتى اوله رق نتيجه
مدلولي خصوص منازع فيه عند المحاكمه مدعى
خواجه غرغورك افاده سي وجهله چيقارايسه ويريله جك
حكم وقراره قائل وراضى اولوب استيناف دعواسي
ايتيه جكنه دأر مدعى عليه شبيطه محكمه ژورنالنه
وضع امضا ايلديكي حالده حين محاكمه ده غرغورك
ادعا وافاده سنك صحتي تين ايتسي جهته شبيطه نك
امضا وتقريري موجبجه كيفيت حكم قطعي تحتنه
النش اولديغندن بودعوانك استيناف نظاماً جائز
اوله ميه جغني ومذكره صورتى دخي درسعادت محكمه
تجارتى ايكنجي مجلسندن اعطا اولنان ٢٧ صفر
سنه ٨٦ تاريخلو مذكره صورتى اولوب خلاصه
مؤداسي بوماده نك قدس محكمه تجارتندن استيناف
واعاده محاكمه قابل اولماق اوزره حكم واعلام
اولنديغني اكلاشيلوب انجق شبيطه نك استيناف
دعوايه حقي اولوب اولديغنه دأر بوراجه برشى
دينلك مغاير اصول اوله جغندن كيفيتك مرجع

طبیعی بولنان بیروت محکمه استینافیه سندن جواب ویریک لازم کله جکئی متضمن اولدینی کبی ایکنجی مصدق اعلام صورتی دخی بیروت محکمه استینافیه سندن اعطا اولنان وکندویه تبلیغ قائمیدینی غرغور طرفندن ادعا قانمده بولنان اعلام صورتی اولوب بونده دخی مرقوم میخیایل شبیطه خصوص مذکوردن طولای مدت معینه سی ایچنده استیناف دعوایه قیام ایدوب هر تقدیر بوایشک قابل استیناف اولدینی قدس محکمه تجارتیدن ادعا وانمده ایسه ده استینافی قالدیر دکلیدر بوراسنک تقریق محکمه استینافیه عائد بولنش وبقولا غرغور اصولی وجهاله بالدفعات محکمه یه دعوت اولدینی حالده حضوردن امتناع ایلوب نظر تدقیقه النان اوراقدن دعوانک هروجله قابل استیناف ایدوکی اکلاشلش اولدیغندن مستأنف علیه غرغورک غیابندن تدقیق مادهیه لدی المباشره مستأنف شبیطه نک ابراز ایلدیک برطاقم مصدق اوراق مزایاسیله واقع اولان افاداتندن منفهم اولدینی اوزره بیک ایکوز التمش بش سنده سندن التمش طقوز سنده قدر غرغور ایله شبیطه بیننده ذراسته دار جریان ایدن شرکندن متولد محاسبه نزاعی طرفینک استینافی قبول ایتامک شرطیله بازضا تنظیم وامضا ایلدکلی برقطعه تحکیمنامه موجبجه تعیین اولنان میرز طرفلرندن رؤیت اولنه رق اولابده ۸ حزیران سنه ۱۸۷۴ تاریخیه وریلان مضبطه یه کوره غرغورک شبیطه یه درت بیک طقوز یوزاون ایکی غروش بورجی تین ایلدیکئی مثللو غرغورک دخی شبیطه ذمتنده مقدار معلوم ذخایر الاجنی کورندیکندن شبیطه سالف الذکر درت بیک شوقدر غروش الاجنی بر موجب قانون لازم کلان فائضیه تحصیل ایلدکدن صکره ذخایر مرقومه یه عیناً خواجه غرغوره تسلیم ایتکه مجبور اولسی ویاخود اولوقتک رایجنه تطبیقاً مطلوبه محسوبیله خواجه غرغورک نمقدار فضله الهجنی

قالور ایسه بر موجب قانون گذشته سیله برابر شبیطه یه تأدیه ایلسی وشرکته عائد کلان اوکوزرک تلف اولدیغنه شبیطه یمن ایتدیکئی حالده بولرک دخی نصف بهاسندن طولای خواجه غرغوری ارضا ایتکه مجبور طولسی وینه شرکته عائد ایکی بیک غروش حقنده غرغور ادعا ایلدیکئی مواضعیه ی اثبات ایلدیکئی صورتده مبلغ مرقومک کندوسنه تسلیم واثبات ایده مدیکئی تقدیرده شبیطه یه اعاده ایلدسی خصوصاً یینه قرار ویرلش واشبو قرار قدس محکمه سنجه نسجیل اولنش ایکن محکمه مذکوره صکره دن مضبطه مذکوره نک تدقیقه کیریشهرک اولکی قراره مخالف صورته حکم واعلام ایلسی جهتیه اشبو حکم اعتباردن ساقط طوئیه رق یینه ممیز مضبطه سی احکامنه مراجعت اولنسی خصوصنه وپوکا متفرع سار جهتله اتفاق آرا یله قرار ویرلدیکئی مرقدر

استیضاح ماده ضمتنده داریه جلب اولنان مستدعی جیران غرغورک وقوعبولان افاداتندن شبیطه ایله مذکور شرکتی عقد ایدن جیران غرغورک پدری بقولا غرغور اولوب جیران غرغورک بوراجه برمنوال محرر طوغریدن طوغریه استدعا یه تصدی ایلدیشی وکالتی حسبیه اولدینی وشرکت مذکوره نک دخی محلی تعاملنه توفیقاً اهالی جانبندن استیجار اولنه کلان اراضی امیرییه اوزرنده بالاشترک ذراعتله حاصلات واقعه دن استفاده و تجارت ایتکدن عبارت بولدینی اکلاشلشدر

تفصیلات مبسوطه یه نظراً مرقوم غرغورله شبیطه بیننده بالاشترک وقوعبولان ذراعتدن طولای تولد ایتش اولان محاسبه دعواسنی رؤیت ایتکه طرفینک رضا و موافقتی اوزرینه حکم صفیله تعیین قلندقلری جهتله میرزک صلاحیتلری درکار اولوب پوکا دیه جک بوغیسه ده اشبو میرزک ویرمش اولدقلری ۸ حزیران سنه ۱۸۷۴ تاریخلی مضبطه قرارینی تدقیق ورؤیت (بقیه می صکره)